

信任、幸福、新嘉義

劇中人:秦信用(甲)、祝幸福(乙)

甲:「趯來趯去騎阮的跔踏車，等待你下課陪你每工作陣行…」今仔日約阿福仔欲來去市內 lau-lau 咧，我佇遮等規晷，哪會連半个影隻都無看著?

乙:「日頭過半晷，天氣炎熱宛然像火爐…」足久無落雨，天氣有夠熱，阿用仔約我佇世賢圖書館，等咧欲去市內耍，伊應該猶佇半路才對。

甲:喂!福董 eh!日頭已經曝著尻川，你今也才趯來，莫怪同學攞講你是一工趁三萬，有影是真大牌呢!來，咱先共逐家問好一下才閣講。

合:我是秦信用、我是祝幸福，逐家好!

乙:你拄才講啥物我一工趁三萬?阮老爸，一工才予我壹百箍的所費仔爾爾，無你是當做我去搶銀行喔!

甲:我是講你食飯慢、反應慢，動作閣有夠慢，鬥鬥咧拄好是三萬!你無信用閣慳趯，真正是對不起咱的媽祖婆!

乙:我嘛才慢兩點鐘爾爾!閣再講，我定定綴阮阿媽去廟裡拜拜，哪會對不起媽祖婆?

甲:你真正是「青暝看著丈人」-「有眼不識泰山」!面頭前這間圖書館，就是為著紀念咱「嘉義的媽祖婆」許世賢博士才起的。伊做人信用閣清廉，到今閣予逐家真數念!

乙:你真正是烏矸仔貯豆油!看袂出你對咱嘉義的歷史閣有淡薄仔研究呢!

甲:到今你才知!我是「蹠佇巷仔內的」-「內行」。橫直天氣這呢熱，咱著先佇遮開講一下，等咧才出發。

乙:人咧講:「做官若清廉，食飯愛攪鹽」，今也信用已經無值錢矣!你看咱食的油、啉的茶，逐項都有問題，我看連日時嘛愛點燈仔火行路!

甲:你是得著近視、青光眼，抑是錢傷濟?

乙:我是講「社會烏暗」啦!

甲:你講的彼款烏心肝的代誌是外位的人做的啦!咱嘉義自古以來就是一個予人上信任的幸福城市，絕對袂做出這款無天良的代誌!

乙:我看你是家己褒較袂臭臊!

甲:斟酌聽!諸羅古早上出名，拄著民變的事件，軍民信任咧拍拼，團結合作來守城，皇帝才來賞賜「嘉義」這個好地名。

乙:這是三百冬前的代誌，你哪會見講就講過去?

甲：嘉義外號叫桃城，小食生理上出名，童叟無欺有名聲，予你聽了就知影！

乙：咱嘉義當時出產「小姐」？你是咧講茶點仔查某抑是咧共人掠龍的小姐？

甲：你是臭耳聾喔？我是講小食！親像是雞肉飯、排骨酥、四神湯…的小食！

我看你是「十全欠兩味」－「八珍」！

乙：原來是小食喔！你緊講，我喙濫強欲津出來矣！

甲：人客來坐免客氣，健康衛生好口味，實在大碗閣滿壩，若是歹食毋免錢！

乙：有影是信用閣有人情味，這點我承認。毋過，你講嘉義是幸福的城市，敢袂傷膨風？

甲：你毋捌字嘛愛看電視，最近新聞講咱是全國治安上好、上適合人蹠的幸福城市！

乙：你毋通自我安慰！咱嘉義幾十冬來，干焦二十外萬人，人無增加、大路無變，閣歹趁食，我看是一个悲情的城市。

甲：雖然伊是小粒子，追求進步有志氣，傳承人情俗義理，變成希望的城市。親像咱逐冬舉辦「國際管樂節」，今也已經是咱台灣的「管樂之都」矣。

乙：干焦聽音樂敢會飽？人講：「先顧腹肚，才顧佛祖」頭路歹揣真痛苦！

甲：無講你毋知，其實咱嘉義的人才夠濟，就業率嘛是全國上懸的！只不過咱的所在有較細，一寡卒業的少年人就愛出去外口食頭路。

乙：莫怪真濟出外的人攞咧唱「黃昏的故鄉」這條歌，予人聽起來足心酸！

甲：免鬱卒矣！最近咱有真濟所在，經過建設攞變甲嬌噹噹，親像「檜木森活村」、「文化公園夜市」佻「蘭潭風景區」攞吸引足濟人來觀光呢！

乙：敢有影？是講鴨寮哪有過暝的杜蚓？咱市內若無大型的產業，真濟人欲揣頭路嘛是親像「空手撈魚」－「無望」！

甲：你攞無咧看市政府的電子報呢！為著欲創造閣較濟的工作機會，今年已經佻隔壁的雲林縣、嘉義縣鬥陣合作，欲來解決這個問題！猶閣有「高鐵大道」嘛已經通車矣！今也若是欲去台北、高雄食頭路，毋免兩點鐘就到矣！

乙：咱嘉義當時改變遮爾濟！你毋著較早共我講咧！聽起來政府真正是「十二月芥菜」－「有心」，按呢咱愛共信任佻支持，做伙創造幸福的新嘉義！

甲：你毋通干焦出一支喙呢！你跤手慢鈍的歹習慣愛趕緊改，才綴會著時代！我連鞭𦍋你來見一下世面咧！

乙：好啦！好啦！莫閣共我漏氣矣，我欲趕緊綴你來看咱的新嘉義！

合：秦信用、祝幸福，落台行禮！